

ضج خيالي بصورة واسمحي يمولاوي  
شاف شلال بدما و باننت به اصغار  
محسن الزهرا و رضيع حسين بالنوح  
يا ابو صالح ينشدونك تطلب الثار  
هذا يصرخ من ورا الباب      منطحن طايح بالعتاب  
هذا ينحب تحت التراب      يعتفر في نحره نشاب  
محسن ابنيده مسك بن خيه و جاك  
شايلين ابأيد نبلة و اخرى مسمار  
هذا مسمار التهب من حرگة الباب  
و هذي نبلة من خيام الشببت بنار  
بيك صاحوا يبن الاطياب      نقسم بطه و الكتاب  
جيننا نسأل و الكلب ذاب      عن غيابك شنهى الاسباب

اجا المحسن دما ينزف ينادي يا ولينا  
يمن واعد بك الباري و رسول الله نبينا  
اخذ ثاري من العادي و رد حگنا إلينا  
تشب النار يراعي الثار من أشواگ البينا  
لهيب الثار يا مهدينا و جّار      اخذ سيف الفقار الحامي للجار  
و رد كيد النصب و الخان و الجار      طلبتك يا ابو صالح بالزچيه  
علا و نه من النبلة رضيع احسين مهدي  
دمع عينه و نزف نحره الك تجري و تبدي  
اخذ ثار الوديعه اللي مشت مسبيه تحدي  
و ثار أمي الرباب اللي بحزن هزتلي مهدي  
مصيبة اعظم امصيبة واهمها      حزن عمتي العقيلة ويا همها  
فلا يغلب على الطغمة و همها      احلفك بالولي احسين و خويه

نريدك يا أبو صالح      تعلّي الصرخة بالثارات  
تلم جمعك تسل سيفك      و تحوطك صحك برايات  
نناظر يمهدى تصول      عدونا يحوطه الذهول  
وترده لثار البتول      تفرح لظه الرسول  
الك ثارات يمهدينا      و ثار حسين اشد و اگسى  
كلت تنثر دماك اعليه      فعن ثاره صعّب تنسى  
وحگنا وحگ العشر      بصدرة الصفى منكسر  
تعجل يحجة الأمر      قيامك ترى ننتظر

ياسـراج اهل الجنان و عالم الال  
الصامات الميمون انتته وعز الاسلام  
يالحسن هذي صفاتك يبن الاطياب  
عسكري،فاضل،رفيق و زاكي علام  
خازن اعلوم النبوة ويا اللي للرحمن آيه  
شهو قاسيته بحياتك امن البدايه للنهايه  
بأول أيام العمر يقسى زمانك  
باليتم خلاك وبعدهك ستة سنين  
رايد اذكر مشهد بأول سنينك  
من شفت نار بحطب دمعت لك العين  
صاحب بنوحك دهشته يسأل ابك ربك تغنى  
خشية من ربنا اجبته (و للعب لا ما خلقتاه)

ثمان اسنين مع العشرين خلاصة كل حياتك  
عشت مظلوم بغض وسجون ولاهزوا ثباتك  
ولوك اشرار صفوا اخيار بسجونك من تقاتك  
رأوك تصوم رأوك تقوم و مشغول ابصلاتك  
ولسانك يلهج بذكر و عباده و لو حاجوك حسوا بالسعادة  
رجل مهيوب قالوا لو لمحنا من اعيونه ارتجف كل من فواده  
بعد مشهد ردت انقل من الصار بسجونك  
سجن آخر عدوك جار وشلت لله عيونك  
وسط السباع اجا خلاك وضليت ابسكونك  
قمت مولاي تصلي انتته وسباع البر يجونك  
الوحوش بحضرتك صارت حنيه و اجت يمك تنظرك بالسكينه  
طلعت امن السجن واعدك خابت وسباع البر بقت دونك حزينه

واشد مشهد يبو الحجة  
تقاسي السم وحييد اتحن  
إمامي وحييد ابسموم  
شباب و تركت الحياة  
اجا جعفر يصلي ايريد  
صبي جاله وجذب ثوبه  
اثاري إمام الزمن  
اويلي على المنجدل  
وكت سمك ومرضت انتته  
يمن موتك فرد عشته  
تحوطك غصص والهوموم  
لشارك وريثك يقوم  
بعد موتك بدون اذنك  
أنا يكله أحق منك  
حضرلك إمامي الحسن  
غريب وبايا جفن